

Portrait Cevi Uster

Ich habe den Auftrag erhalten über den Cevi Uster ein Portrait zu schreiben. Das klingt irgendwie nach einem einfachen Auftrag; einfach ein paar Zahlen – Gründung, Mitglieder etc. – hinschreiben und in ein paar Sätze – die sowieso kaum jemand liest – verpacken. Aber das reizt mich irgendwie überhaupt nicht und wird der tollen Arbeit, die in unserer Abteilung geleistet wird, auch nicht gerecht. Also bin ich im Harass – unserem Vereinshaus am Rande von Uster – auf die Suche nach geeigneten Interviewpartner gegangen, die ihre Sicht des Cevi Uster beschreiben. Dabei ist ein kunterbunter Mix aus Stimmen herausgekommen, welcher den Cevi Uster in all seinen reichhaltigen Facetten abbildet. Viel Spass!

Die Herren von Salzi und Stängeli (Ein Salzstängeli aus unserem Cevi Kafi das den letzten Samstagnachmittag überstanden hat):

«Es isch wüerkli en Wahnsinn! Jede Samstag nachem Programm treffet sich die Cevianer und Cevianerinne im Cevi Kafi und esset Salzstängeli, Guezli, trinket Sirup oder Punsch. Wüerkli öppis Schlaus isch ned debii! Und uf alles ufe gits au na Chueche, wenn wieder öpper im Bachfieber gsi isch. Und natürlich wird i dem Cevi Kafi ned gschaffet oder ghöcket, sondern Billiard gspillt, gjöggelet und gschnurret. Guet zum Teil überlegets sich au Sache zumne Programm oder zumne Lager; aber mehrheitlich hedns eifach Spass. Und wenn die Spass hend, essets immer so vill Salzstängeli... Das isch es gföhrlichs Pflaster!»

Frau Kletter-Leiterli (Die Leiter, welche wir regelmässig brauchen, um auf das Harassdach zu kommen):

«Aso ich bin ja süsch ned so heikel, aber letzt Wuche het wieder sonen Globi en Ball ufs Dach vom Harass gschosse. Grundsätzlich stört mi das ja ned, aber denn isch eine mit sine dreckige Schuhe eifach uf mini Tritt gstande und het nacher vo dehte us au na blödi Sprüch gmacht zu sine Kollege. Aso die junge Leiter hend zum Teil scho nune Seich im Chopf. Aber immerhin bruchets mi au abundzue; wens mi nämli amis ufstellet, gesehni über de ganzi Harass und de Vorplatz übere. S isch scho schön zum gseh, wied Chinde voller Vorfred mitem Velo umd Kurve fräset und nacher mit ihrne Leiter ide Stufene in Wald abzottlet. Meistens hangi ebe im Harass anere Wand. Zum Glück isch de Harass au numme vo usse so luftdurchlässig, will vo inne hends oft na Plastik angemacht, denn frühri nämli ned ganz so fest!»

Herr Töppli Topfendorf (Ein älterer Kochkessel aus unserem Mat):

«Aso ich bin ja wüerkli scho lang im Cevi im Iisatz und ich wirde au vill brucht. S paar Stufene die Chochochet wüerkli vill. Au putze düends mi eich ziemli guet. Ich han ja vill Kollege zum quatsche im Mat, die andere Töpf oder au d Blachene und anderi Pflöck, aber am meiste Spass machts scho wenn Chinde mich mit Esse tünnd fülle und öppis feins z Esse hend! Wens amis zugg sind, münnd ja d Leiter oft na abwäsche und irgendwie findet die das amis ned so lustig. Ich verstah das ned so ganz, will das Wellness Programm woni amis bechume gafflt mer eich sehr guet.»

Bartli und Bartline (Zwei Bärte aus dem Fundus unserer Verkleidungssammlung):

«Ja Bartli was meinsch du? Was chemmer über de Cevi Uster verzelle? – Hmm, aso da gits natürlich vill. Da wär zum Biespiel grad letschtens wommer für s Chlauseprogi im Iisatz gsi sind, dehte isches abgange. Ich glaub a dem Tag bini öppe a fuf Gsichter ghanget durr de Tag. – Ha ja seg nüt, die hend ja zum Teil usgseh hihi. – Wotsch do etzt öppe sege ich seig nümm in Form oder so? – Nei nei, aber weisch zum Teil hend die ja scho kreativi Idee fürd Rollespiel. Ein Samstag hangsch amne Gsicht für de Jesus wo grad e Bratwurst anstatt emne Brot teilt und d Wuche druff bisch irgend en Roiber wo s Rotchäppli inen Sack vomne Cowboy gsteckt het... - Bisch du sicher Bartline, dass du da ned Sache

vermischisch? Das tönt etzt doch grad chli gflunkeret... - Nei ich seg der Bartli was da eis gschauspillerte wird; Unglaublich! – Ja ber lustig isches ebe scho, gell.»

Die Familien Öpfel, Chüechli und Wagen (Unser Verkaufswagen, welchen wir am Ustermärt gebrauchen):

«Aso mir sind ja drü Familie wo direkt nebet de grosse Wiese vom Harass wohnet und jede Samstignamitag chömmmer beobachte, wied Chinde verschiedeneni Spieli spielet, dadebii d Leiter uf Trab haltet und d Stufeleiter die letschte Absprache fürs Progi vom Namittag treffet. Das isch ja scho sehr spannend, aber euisse grossi lisatz chunnt jewiils am Ustermärt, wenn euisse Heim zum Verchaufsstand vo Öpfelchüechli wird. Die ganzi Stadt Uster kennt euisse Stand mittlerwiile und mir sind froh, dassmer euisse Biitrag chennd leiste. D Chinde freuet sich über Jahre hinweg uf de Moment, wo sie Helfer werdet und dörfet endlich im Stand stah und die «berühmt berüchtigte» Chüechli verchaufe. Es isch eifach immer wieder e Freud!»

Teilnehmerinnen der Baumschule «Wäldli» (Die Bäume im Wald gleich neben dem Harass):

«Es isch wüerkli e tolls Erlebnis jede Samstig wenn die ville Chinde zu euis strömet. Sie machet Fүү, bauet Zelt, leset Charta und singet schöni Lieder. Dadebii stah d Gmeinschaft im Zentrum und alti Gschichte tüend in neuem Gwand immer wieder uferstah. Es isch euis allne e Freud, dass die einmalige Erlebnis wo im Cevi gschaffe werdet zwüschet euisne Wurzlene und unter euisem schützende Blätterdach stattfindet. Euisi Baumlehrerin d Frau Chrönli Eschen-Eiche ratet euis immer, dassmer ufpasset, dass euisi Wurzlene ned ad Fүүstellene anewachsed. Aber wies so isch tüendmer ned immer lose und au ich hanmer scho d Füess verbrännt. Wobii au d Chinde tündnd sich ned immer ad Fүүregle halte, aber mit de Leiter hend mir mittlerwiile e gueti Symbiose bildet, will die dünnd d Chinde immer grad erinnere, wasd Regle vom Fүүrmache oder Zeltufbau sind.»

Dies sind die Stimmen, die ich rund um den Cevi Uster finden konnte. Natürlich hätte es noch viele mehr gegeben und wahrscheinlich sind auch noch nicht alle Fragen rund um unsere Abteilung geklärt. Wenn ihr noch mehr erfahren wollt, seid ihr eingeladen, uns jeden Samstagnachmittag (ausser in den Schulferien) im Harass und Umgebung näher kennen zu lernen. Bis bald! Wir freuen uns auf euch!

Maximilian Stoller v/o Sturm